



Verwysing: 20170410-9916
13/10/1/2
Navrae: TJ Magwaca

Asseseringsbestuurminuut: 0010/2017

Aan: Adjunk-direkteurs-generaal; Hoofdirekteure; Direkteure (Hoofkantoor en distrikskantore); Adjunkdirekteure; Hoofonderwyskundiges; Bestuurders: Kurrikulumkondersteuning; Vakadviseurs; Kringbestuurders; Bestuurders: Strategiese Inligting, Beheer en Mensbestuur; Adjunkhoofonderwyskundiges en Hoofde van alle opvoedkundige inrigtings wat kandidate vir die Nasionale Senior Sertifikaat-eksamen voorberei

Onderwerp: Aansoek om aanstelling as 'n nasiener vir die Nasionale Senior Sertifikaat-eksamen in die vakke sonder bevoegdheidstoetse

1. Nuwe aansoekers

- 1.1 Onderwysers, vakadviseurs en senior kurrikulumbeplanners wat aan die kriteria (soos uiteengesit in **Bylae A**) voldoen, word hiermee uitgenooi om aansoek te doen as 'n nasiener vir die Nasionale Senior Sertifikaat (NSS) -eksamen van November 2017 in die volgende vakke wat in Tabel 1 aangedui is.
- 1.2 Amptenare wat aan die aanstellingskriteria (**Bylae A**) voldoen en wat 'n minimum skoolslaagsyfer van 70% in die November 2016 NSS-eksamen behaal het in daardie vak wat onderrig is, word versoek om vir die vakke wat in Tabel 1 aangedui is, aansoek te doen.

Tabel 1: Lys van vakke wat in die NSS ens SS geëksamineer word

VAKKE	VAKKE
Afrikaans Huistaal	Afrikaans Eerste Addisionele Taal
Landbouwetenskap	Rekenaartoepassingstechnologie
Engels Eerste Addisionele Taal	Inligtingstechnologie
Xhosa Huistaal	Xhosa Eerste Addisionele Taal
Religiestudies	Sotho Huistaal
Tswana Huistaal	Visuele Kunste
Afrikaans Tweede Addisionele Taal	Siviele Tegnologie
Musiek	Ontwerp (Teorie)

Dramatiese Kunste	Ingenieursgrafika en -ontwerp
Elektriese Tegnologie	Gasvryheidstudies
IsiXhosa Tweede Addisionele Taal	Meganiese Tegnologie

1.3 Nuwe aansoekers moet die aansoekvorms gemerk **Bylae B** voltooi.

2. **Indiening van aansoeke (nuwe aansoekers)**

2.1 Alle nuwe aansoekers moet die volgende dokumente by hul aansoekvorms aanheg:

- Curriculum vitae.
- Gewaarmerkte afskrif van identiteitsdokument.
- Gewaarmerkte afskrif(te) van akademiese studierekords.
- Gewaarmerkte afskrif(te) van kwalifikasiesertifikaat(te).
- Bewys van registrasie by die Suid-Afrikaanse Raad vir Onderwysers (SARO).

2.2 Aansoeke moet by die volgende adres ingedien word:

Hoof: Onderwys
 Vir aandag: Mnr M Cameron
 Direktoraat: Asseseringsbestuur
 Wes-Kaapse Onderwysdepartement
 5de Vloer, Grand Central Towers
 Laer Parlementstraat
 KAAPSTAD
 8001

2.3 Aansoeke moet die WKOD teen **19 Mei 2017** bereik. As u enige navrae het, kontak asseblief mnr M Cameron by tel. 021 467 2964.

3. Suksesvolle aansoekers sal skriftelik van hulle aanstellings verwittig word en van hulle sal vereis word om 'n kontrak met die WKOD te sluit. Verdere korrespondensie ten opsigte van die nasienproses sal dan volg.

4. **Voltooiing van Verklaringsvorm deur aangestelde nasieners**

4.1 Nasieners is in 2015 en 2016 op 'n tydperk van drie jaar en twee jaar onderskeidelik aangestel wat onderhewig is aan 'n jaarlikse hersiening van die aanstellingskriteria.

4.2 Hierdie nasieners word versoek om die Verklaringsvorm (Bylae C; wat direk na die nasieners gestuur sal word) te voltooi om seker te maak dat hulle aanstelling vir 2017 bekragtig word. Alle voltooide Verklaringsvorms moet teen **19 Mei 2017** by die bogenoemde adres ingedien word. Indien 'n nasiener nie sy/haar **Verklaringsvorm** by die aangewese datum indien, sal die betrokke nasiener sy/haar plek in die betrokke nasienspan verloor.

5. Die Departement van Basiese Onderwys (DBO) oorweeg weereens die gesentraliseerde nasien van gekose klein vakke in 2017. Die lys van vakke sal aan die aspirante nasieners verskaf word sodra dit deur die DBO beskikbaar gemaak word. In die geval waar sodanige lys beskikbaar gemaak word nadat die aanstellings gemaak is, sal die Wes-Kaap Onderwysdepartement (WKOD) die aanstellings wat vir daardie gekose vakke gemaak is, nietig verklaar.
6. Die nasien van NSS-eksamenskrifte is een van die belangrikste aspekte van die eksamenproses. Die WKOD is trots op die aanstelling van gekwalifiseerde en bevoegde nasieners. Prinsipale en ander senior amptenare wat nasieners aanbeveel, moet dus te goeder trou optree. Let asseblief daarop dat die verskaffing van foutiewe inligting op die aansoekvorm as bedrog beskou sal word en dat ingevolge die Wet op die Indiensneming van Opvoeders, 1998 (Wet 76 van 1998) opgetree sal word.
7. Dit is baie belangrik dat prinsipale, distriksdirekteure, kringbestuurders en vakadviseurs die inhoud van hierdie minuut onder die aandag van alle onderwysers bring sodat hulle vertrouwd is met die aanstellingskriteria voordat aansoeke ingedien word. Die Direkoraat: Assesseringsbestuur kan nie verantwoordelik gehou word indien onderwysers nie oor die inhoud van hierdie minuut ingelig is nie.
8. Die WKOD maak staat op u samewerking en ondersteuning in hierdie belangrike saak.

GETEKEN: PAD BEETS

ADJUNK-DIREKTEUR-GENERAAL: KURRIKULUM- EN ASSESSERINGSBESTUUR

DATUM: 2017-05-12